



Publicaziuns dalla vischnaunca, jamna 11

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandont project:

Nr. 2018-2011.000

Daniela Duff e Flavia Schnnoz, Via Sogn Gions 21, 7180 Disentis/Mustér; casa da pliras famiglias, sanaziun dallas finiastras (habitadi) e dalla canal-tetg, parcella 659, Via Sogn Gions 21, 7180 Disentis/Mustér

Nr. 2018 – 2012.000

Antonia Tschuor-Deragisch, Via Gonda 8, 7180 Disentis/ Mustér; casa da pliras famiglias, sanaziun dallas fatschadas e schalusas, parcella 1028, Via Gonda 8, 7180 Disentis/Mustér

Encunter quella decisiun san ins protestar a scret enteifer 20 dis dapi la publicaziun alla suprastanza communal. Disentis/Mustér, ils 13 da mars 2018

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 23 da mars 2018**, allas 20.15 en casa communal.

Tractandas:

1. Protocol 10-2017/2020
2. Canalisaziun Mumpé Medel: Project e credit (messadi nr. 16-2017/2020)
3. Revisiun parziala dalla planisaziun locala: Elecziun complementara d'in commember ni d'ina commembra dalla cumissiun preparatoria
4. Ura da damondas (conform ad art. 44 dil regulativ da fatschentas)

Il president dil cussegl da vischnaunca

Dretg da burgheis en connex cun fusiuns da vischnauncas

Informaziun

Il dretg da burgheis en vischnauncas fusiunadas sedrezza tenor la nova vischnaunca politica. Cheutras sa il dretg da burgheis semidar tier las persunas pertuccadas. Naven dil schaner 2018 han talas persunas la pussivladad ed il dretg da schar enscriver el register dil stadi civil il num da lur anteriura vischnaunca burgheisa en parentesa davos il niev dretg da burgheis. Quell'inscripziun cumpara el passaport sco era sin la carta d'identitad. Persunas cul dretg da burgheis da vischnauncas fusiunadas avon ils 1-1-2018 han d'inoltrar la damonda entochen ils 31-12-2020. La damonda a scret ei da tarmetter agl uffeci civil dalla vischnaunca burgheisa cul formular uffical ch'ei accessibels sin la pagina d'internet digl uffeci da migraziun e da dretg civil dil Grischun (www.afm.gr.ch sut la sparta survetschs). En cass da novas fusiuns sto la damonda vegnir inoltrada sil pli tard treis onns suenter che la fusiun ei entrada en vigur. Las taxas per la procedura muntan a 75 francs per ina persuna singula e 10 francs per mintg'ulteriura persuna cumpigliada. Per ulteriuras informaziuns stat l'administraziun communal sco era igl uffeci da migraziun e da dretg civil dil Grischun bugen a Vossa disposiziun.

Administrazin communal



«SRF bi de Lüt – Heimweh»

Encuretg persunas

La Televisiun svizra SRF enquera per sia nova documentaziun «Heimweh» persunas che retuornan dil lontan ni eifer la Svizra anavos en lur patria nativa. Encuretg vegnan persunas che fan quei pass ils proxims meins, q.v.d ils meins avrel entochen uost 2018. SRF documentescha la veta dalla persuna che retuorna, e quei naven dalla partenza entochen tier l'arrivada en siu liug d'origin. Cun la documentaziun duei vegnir eruiu, schebein l'encarschadetgna ha saviu vegnir cuschentada. Enconuscheis Vus talas persunas ni sesanfleis Vus en quella situaziun? Lu s'annunziei tier SRF sut www.srf.ch/srfbideluet ni directamein tiel producent dall'emissiun Rolf Elsener: rolf.elsener@srf.ch ni 044 305 59 22.
Bien engraziament per Vos impuls e Vies interess.

Administraziun communal

Lenna da brisch

Damondas per lenna da brisch (**pégn ni fau**) ein da far **en scret entochen ils 20 d' avrel 2018** agl uffeci forestal dalla vischnaunca da Mustér, Simon Cathomen, caum postal 57, 7180 Disentis/Mustér ni per email; uaul@disentis.ch. Per plascher indicar il sortiment giavischau (lenna sort ni lenna fendida) ed il quantum. Sin giavisch vegn la lenna era furnida franco a casa.

Uffeci forestal Disentis/Mustér

Administraziun communal

Einladung zur 58. Generalversammlung, Freitag, 16. März 2018, 19.30 Uhr Hotel «Oberalp», Disentis.

Muort il firau local da sogn Giusep resta l'administraziun communal serrada **gliendisdis, ils 19 da mars 2018**. Bien engraziament per Vossa capientscha.

Administraziun communal

Nossa scola populara Mustér – dis dallas portas aviartas 2018

Geniturs ed autras persunas interessadas han la pusseivladad da visitar lur affons durant l'instrucziun, e quei sco suonda:

mesjamna, ils 21 da mars 2018 (7.45–11.10 (12.00))

gievgia, ils 22 da mars 2018 (7.45–16.10)

venderdis, ils 23 da mars 2018 (7.45–16.10)

Per evitar malruaus giavischein nus da visitar l'entira lecziun. Ils affons e las persunas d'instrucziun selegran da Vossa viseta. Ils uraris da tuttas classas anfleis Vus sin nossa pagina d'internet: www.scoladisentis.ch
Sin bien seveser e cordials salids!

Nossa scola populara Mustér

Entrada anticipada en scoletta

Mintgamai igl uost entran ils affons che han cumplenu il tschunavel onn da vegliadetgna tochen ils 31 da december dil medem onn calendar ella scoletta. Tenor la lescha da scola dat ei la pusseivladad d'entrar en scoletta anticipau, quei munta in onn avon. In'entrada anticipada ella scoletta da Mustér per affons da quater onns ei cumbinada cun claras cundiziuns. Igl affon sto corrispunder en siu entir stadi da svilup alla gruppa d'affons pli veglia ed el sa ir entuorn cun las pretensiuns dalla scoletta senza sustegn special. Davart l'admissiun anticipada decidan duas jamnas da fuffergnadi en scoletta. Dapli informaziuns survegnan geniturs interessai tiel meinascola Roger Tuor (081 936 44 25, meinascola@scoladisentis.ch).



Annunzias san vegnir inoltradas tochen ils 15 da mars 2018. Annunzias suenter quei termin san buca pli vegnir risguardadas.

Cordials salids
Nossa scola populara Mustér

Radunonza generala dils dretgs alp Cristallina

Venderdis, ils 23-3-2018 allas 20.15 ell'ustria «Crestas», Segnas. A stedia participaziun

la suprastonza

Club da pistola Cadi

Invit alla radunonza generala, sonda, ils 17 da mars 2018 allas 20.00 el stan da sittar a Sars sut, Disentis/Mustér.

Tractandas

1. Beinvegns ed appel
2. Elecziun d'in dumbravuschs
3. Approbaziun dil protocol dalla radunonza generala 19-3-2017
4. Rendaquen, rapport dils revisurs ed approbaziun dil quen
5. Rapport dil president
6. Orientaziun da vart dalla cumissiun da menaschi
7. Fixar las contribuziuns annualas
8. Program da lavur
9. Elecziuns
10. Honoraziuns
11. Midadas dils statuts e reglaments
12. Orientaziun dallas prescripziuns e menaschi da tir
13. Recepziun da novs commembers/abdicaziuns
14. Varia

La radunonza generala ed il program provisoric da tir ein era vegni publicai el «Fegl official Surselva». A stedia participaziun envida

Club da pistola Cadi, la suprastonza

Preavis: Datums impurtonts

Tir campester:

Venderdis 8-6-2018 18.30–20.00

Sonda 9-6-2018 14.00–17.00

Precampester

Gliendisdis 14-5-2018 19.00–20.30

Sonda 19-5-2018 19.00–20.30

Gliendisdis 28-5-2018 19.00–20.30

Se partecipar san tuts/-tas burgheis/as ch'ein majorents/-as. Tals/-as ch'ein parti en tier l'armada ein supplicai da prender cun il cudisch da survetsch.

Cordialmein envida
Club da pistola Cadi

Schiessprogramm 2018
Schiessstand Sars sut, Disentis
Mira sut Surselva!



Afghanisches Abendessen

Freitag, 16. März, ab 19 Uhr Center sursilvan d'agricultura, Disentis/Mustér

Die Asylsuchenden des Transitentrums Bellavista haben uns in die Kochkunst ihres Heimatlandes eingeführt. Als Abschluss des afghanischen Kochkurses laden wir alle Interessierten zum Essen ein. Buffet mit verschiedenen afghanischen Gerichten und gemütliches Beisammensein in der Stiva Salaplauna ab 19 Uhr. Wir machen eine Kollekte für das Abendessen. Anmeldung erwünscht unter info@agricultura.ch oder 081 936 48 00.

Cinema Salaplauna/Stallkino: «Willkommen in der Schweiz» (CH 2017)

Mittwoch, 21. März, Filmstart 20 Uhr, Center sursilvan d'agricultura, Disentis/Mustér

Das Dorf Oberwil-Lieli verweigert sich und lehnt 2015 die Aufnahme einer Handvoll Flüchtlingen ab, in vorderster Front Gemeindeammann Andreas Glarner (SVP). Die Zürcher Filmerin Sabine Gisiger ging der Sache auf den Grund – lokal und national. Ein entlarvendes Dokument zur Flüchtlingsbefindlichkeit. Türöffnung 19.30 Uhr. Eintritt frei, Kollekte.

Debatte – Lasst die Bauern wieder Bauern sein

Donnerstag, 22. März 2018, Stallbar ab 19.30 Uhr, Runder Tisch um 20.15 Uhr

«Die Schweizer Landwirtschaft stirbt leise – Lasst die Bauern wieder Bauern sein». Der Buchtitel des Autors Jakob Weiss lässt aufhorchen. Wir laden alle Interessierten dazu ein, an den Runden Tisch im Klosterstall zu kommen, um über den Zustand und die Zukunft der Berglandwirtschaft zu diskutieren. Mit am Tisch sind der Buchautor, Bäuerinnen und Bauern sowie Vertreter aus der Bündner Landwirtschaft.

Mit Daniel Buschauer (Leiter des Amtes für Landwirtschaft und Geoinformation ALG), Thomas Roffler (Präsident Bündner Bauernverband), Claudio Gregori (Präsident Bio Grischun), Curdin Giger (Betriebsberater Plantahof); Baseli Berther (Dieni), David Deplazes (Surrein), Sep Benedetg Candinas (Sumvitg), Guido Bucheli (Segnas), Anna Durschei (Segnas), Edith Albin (Tersnaus) und Michael Alig (Obersaxen). Weitere Infos unter www.agricultura.ch. Beginn 20.15 Uhr, Eintritt frei, Kollekte. Diese Veranstaltung ist Teil der Veranstaltungsreihe Berg, Bäuerin, Geschichten.

Forum Kloster Disentis

Pirmina Caminada, Guardiaselvaschina/Natur- und Umweltfachfrau, spricht am Freitag, 23. März 2018, über das Thema «Die Intelligenz und das Verhalten der Wildtiere und Wildpflanzen – Interessante und spannende Einblicke in eine verborgene Welt». 20.30 Uhr im Peter-Kaiser-Saal. Herzliche Einladung

Kloster Disentis, P. Urban Affentranger

Invitaziun Seniors-Ca – Sentupada

Gievig, ils 22 da mars 2018 dallas 13.45–16.00 ella «Stiva s. Placi» en Claustra, troccas e jass.



Meisa da miezdi organisada da Seniors-Ca e PUNTREIS

Entschatta: allas 12.15 en PUNTREIS. Gentar cun treis tratgas inclusiv 3 dl aua dalla spina ed in caffè. An-nunzia entochen allas 9.00 dil di a PUNTREIS (tel. 081 929 56 56). La meisa da miezdi ei aviarta per mintgin/a.

Post d'informaziun Seniors-Ca

Biblioteca populara Disentis/Mustér e contuorn

Prelecziun dall'autura Cornelia Vinzens, mesjamna, ils 28-3-2018 allas 20.00 en la Biblioteca populara Disentis/Mustér e contuorn. «Nus savevan da nuot auter – Portret d'ina generaziun en Surselva». Cornelia Vinzens prelegia ord siu cudisch billing. Ei setracta d'ina collecziun da historias sur dalla veta da pli baul, raquintadas da senioras e seniors ord nossa vallada, la Surselva. Accumpignament musical da Fiona Cavegn.

Pign apero e pussevkladad da cumprar il cudisch.
Entrada libra. Nus selegrein sin bia auditurs!

Corporaziun d'aua Spina da Vin, Disentis/Mustér

Invitaziun alla radunonza generala, mardis Pastgas, ils 3 d'avrel 2018 allas 20.15 el hotel «Catrina Re-sort», Disentis/Mustér

Tractandas

1. Beinvegni
2. Elecziun da dus dumbravuschs
3. Protocol, approbaziun
4. Rapport dil president
5. Rendaquen, rapport dils revisurs e dar scarica
6. Projects
7. Preventiv e program da lavur
8. Orientaziuns
9. Varia

Suenter la radunonza vegn offeriu in refrestg. Tuttas commembras e tuts commembers ein cordialmein envi-dai e beinvegni.

Per la suprastonza, il president: Aluis Flepp

Preinformaziun

Cuors da reiver per affons 2018 a Mustér/Lai Alv

Uonn meina la colonna d'agid Mustér atras ils cuors da reiver per affons durant las suandontas duas jamnas:

1. jamna 16–21-7-2018
2. jamna 23–28-7-2018

Prender part san affons dallas annadas 2002–2009. Annunzias ein da far en scret entochen ils 2 da zer-cladur 2018 a Marco Schmed, Via Run 11, 7180 Mustér. Per ulteriur sclariment stat medemamein Marco Schmed a disposiziun, 081 947 42 02, e-mail: [lailv@disentis.ch](mailto:lai Alv@disentis.ch)

Colonna d'agid Mustér



Uniun da dunnas Disentis/Mustér

Suentermiezdi da Pastgas

Cordialmein envidein nus tut ils affons en accumpignament d'ina persuna carschida a far lieurs da Pastgas ord pasta. Entochen che las lieurs da pasta van allura en fuorn vegni presentau in kino da cudischs da maletgs. Silsuenter vegn aunc purschiu stiva da caffè e pettas.

Mesjamna, ils 21 da mars 2018, 14.00, all'entrada dalla cantina dil gimnasi (davos claustra)

Parcadis: Stattan a disposiziun gratuitamein davos la claustra (Via Sogn Sigisbert)

Per plascher s'annunziar entochen ils 18 da mars 2018 tier:

daniela.schmed@outlook.com ni 076 404 82 69

Sin tia participaziun selegran las menadras dil ressort affons

Sentupada cun affons pigns e geniturs

La gruppa da seruschnar/termagliar dat la caschun als affons pigns ed als geniturs da s'entupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas.

Las sentupadas duessen plinavon era far queidas als affons da visitar pli tard la gruppa da termagliar Artgin che ha liug el medem local e nua ch'ils affons stattan persuls duas uras cun las menadras, e quei inaga ad jamna. Pils affons eis ei sco d'entrar ella tiara dalla cucagna cun massa novs termagls, e tut quei da cumpignia.

Vegni e mirei, nus selegrein sin vossa viseta.

Proxima sentupada: ils 23 da mars 2018

Temps: 14.30–16.00

Liug: Casa da scola Segnas,
local Artgin, ella 1. alzada

Prender cun: marena e scalfins

Ulteriuras informaziuns e datums anfleis Vus sut www.uddm.ch.

Cordialmein envida

Uniun da dunnas, ressort affons